

734

DEO OPTIMO MAXIMO  
UNI ET TRINO,

VIRGINI DEI-PARÆ, ET S. LUCÆ,  
Orthodoxorum Medicorum Patrono.

QUÆSTIO MEDICO-CHIRURGICA,\*

QUOD LIBETARIIS DISPUTATIONIBUS

manè discutienda in Scholis Medicorum, die Martis vigesimā-quartā  
mensis Martii, anno Domini M. DCC. LXXII.

M. DIONYSIO-CLAUDIO DOULCET,  
Doctore Medico, Præside.

*Nam in refecandis Artubus, carnis segmina reservare, satius?*

I.



AUD infrequens humani corporis Artus refecandi necessitas, quò  
cæteræ partes fartæ incolumesque servantur. Accidat membrorum  
ossibus fractura ἀλσίτηδον; eorumdem musculis inflammatio, arte-  
riis nothum anevryσμα, superveniatque sphacelus; denegato Am-  
putationis auxilio, cita mors occurrit. Infanabilis exedat ossa caries,  
vigebit lenta febris, alvi profluvium, macies & alia symptomata ab  
intùs suscepto pure oriunda, donec rescissum sit membrum mali fomes. Summâ fri-  
goris vi quis corripatur, ita quandoquè frigescent extremorum liquida, ut penitus  
coacta fuerint atque concreverint; sic desinente eorum cùm intestino tum progres-  
sivo motu, accersitur necrosis; sic in algidis regionibus, hyeme, plurimi per nivem  
& glaciem iter facientes, vel in iis pernoctantes, naribus, digitis, pedibus orbi  
facti sunt; & nisi siderata pars à sanâ maturè sejungatur, brevi serpit, lege circui-  
tùs, ad præcordia lethale virus. Cruentain infesto bello urgeant arma, multi, post  
læsos fractosvè Artus, postremo die fata clauderent, nì solers Chirurgus auxiliatri-  
ces porrigeret manus. Porro, circa ἀκροτηριασµὸν, varii varias instituerunt methodos,  
inter quas, quàm citiorem, tutiorem & jucundiorem comprobârunt ratio & expe-  
rientia, eam præ cæteris seligere juvat.

I I.

QUO citius, tutius & jucundius Chirurgica celebrentur opera, rescindendarum  
partium structuram callere operæ pretium est. Meminerit igitur Chirurgus Fe-  
mur unico constare osse, totius corporis maximo & longissimo, fistuloso, medullâ  
referto, antrorsum curvo; Crus verò duobus fulciri ossibus, Tibiâ & Fibulâ in utro-  
que extremo simul junctis, in medio dissitis. Primum, quod & *Focile majus* audit,  
longum est, inordinatè triangulum, in medio concavum, medullâ repletum, interi-  
us situm, in cuius superiori & anticâ parte prominet tuberculum cui musculorum  
Cruis extensorum tendones aunectuntur. Secundum, *Fibula* scilicet vel *Focile*  
*minus*, Græcis Πτερόν, Tibiâ minus, extrinsecus ipsi coextensum est. Articulo Femoris  
cum Tibiâ, mobile apponitur os umbonis figuræ, *Patella* sive *Rotula* nuncupatum, pec-  
culiari ligamento, musculorumque tendonibus firmatum. Multi memorata ossa am-  
plectuntur muscoli variis exercendis motibus apti nati. Femur præsertim ambiunt  
anterior, interior & exterior quatuor *extensores*, *Gracilis* nimirum, *Anterior* vel

\* Auctore M. ELIA COL DE VILLARS, anno 1744.

*Rectus, Vastus cum internus tum externus & Cruralis*; sex verò *flexores*, *Biceps* nempe, *Semi nervosus*, *Semi membranaceus*, *Gracilis internus*, *Sartorius* & *Popliteus* posticam & internam ejusdem ossis partem potissimum tegunt. *Tibiam* & *Fibulam* obvolvunt octo musculi; duo videlicet pedis *flexores*, *Tibialis anticus* & *Peroneus brevis* anticam *Cruris* faciem occupantes; sex autem *extensores*, ambo *Gemelli* sive *Gastrocnemii*, alter *externus*, *internus* alter, *Soleus*, *Plantaris* vel *Gracilis posticus*, *Tibialis posterior*, *longus aut posticus Peroneus*. Tres primi maximam surae molem constituunt, & in validam cedunt *Achillis* chordam, quos inter, gracili tendone, descendit *Plantaris*. Cæterorum situs ex nomenclaturâ. Adde musciculum *membranaceum*; vulgò *Fasciam latam*, in anteriorem & posteriorem *Femoris*, externamque tibiæ faciem, membranæ ad instar, expansam. Nec interosseum ligamentum *Tibiam* inter & *Fibulam* intermedium obliviscere. Hos breviter descriptis Artus alluit arteria *cruralis*, externæ *Iliacæ* soboles, sub abdominalium musculorum arcum exoriens, in anticâ & ferè internâ ac superiore *Femoris* parte, *Fasciâ* latâ & solis rugimentis testâ. Post quinque vel sex transversos digitos iter pergens, mox profundior, internam subindeque sensim posticam, ad poplitem uique, partem legit, solâ hic adipe & cute cooperta. Hinc bifida, anteriorem largitur *Tibiale* ligamentum interosseum perforantem, & *Tibiale posteriorum*; à quâ abscedit tertia arteria *Suralis* dicta. In vcnam *Iliacam* externam, reducens ab arteriis descriptis cruorem effundit venâ *cruralis*. Nervus tandem *cruralis* cum arteriâ & venâ ejusdem nominis ex Abdomine egrediens, anteriorem & internam totius Artus partem, *Ischiaticus* verò posteriorem & externam, surculos hinc inde largiendo, lustrant. Cognitâ sic *Femoris* & *Cruris* structurâ, quoties alterutrum rescindere necesse fuerit, hoc opus facilius & tutius suscipies.

### III.

**V**ULGARIS rescandi *Femoris* aut *Cruris* methodus hæc est. Præmissis omnibus requisitis remediis, instrumentisque ad id opus idoneis ordine dispositis, æger in cubilis margine semi-supinus collocatur, in famuli brachijs innixus. Adjutores duo rescindendum membrum, *Femur* v. g. apprehendunt, firmiterque sustinent, alter scilicet partem superiorem, inferiorem alter. Super arteriâ *crurali*, infra ejus exortum, linteus imponitur globulus circulari splenio tres digitos lato continendus. Circa hoc splenium injicitur laqueus qui torculari extrinsecus ita constringitur, ut inhibeatur cruoris cursus; mox cute musculisvè, quantum fieri potest, sursum retractis, ad inferiorem *Femoris* partem alter admovetur laqueus, quò secandæ carnes firmiores stent, & post Amputationem deorsum deprimi, ac truncum facilius amplecti possint, ne secatum os longius promineat. Tunc Chirurgus extra membrum situs, cutem & carnes, infra secundum laqueum, cultro falcato, ad os usque in circulum scindit. Hinc adjutor, splenio semi-fisso, sanas retrahendo carnes sustinet, dum Opifex serrâ primum leniter, deinde celeriter, leviter tamen os deflecat. Peractâ incisione, remittitur torcular, ut exsiliens cruor arteriarum situm indicet. Rursus torcularis ope cohibito sanguine, circa detectas arterias curva utrinque trajicitur acus ceratum ducens linum, quo hæc vasa ligantur unâ cum quâdam carnis portione vasorum tunicas, culcitæ ad instar, ab arctiori constrictione fili tutante, intersecto eâdem de causâ duplicem inter nodum spleniolo. Absolutis ligaturis, longiora relinquuntur fila, ut extra fasciationem relevari possint & per suppurationem extolvi. Cum huic operi subjicitur crus, excisis à Chirurgo intra tibiâ sito musculis, interosseum ligamentum scalpello recto incidendum venit. Postea serrâ secantur ossa, à crassiori, *Tibiâ* scilicet incipiendo, hinc ambo simul incidendo, ita tamen ut Facile minus prius sit omnino rescacatum. His peractis, ossium extremis sicci admoventur plumaceoli, amplumque sectis carnibus linamentum, vel nudum vel pulveratâ terebinthinâ respersum. Soluta inferiori laqueo, cutis & excisi muscoli deorsum deprimuntur, truncum, quantum fieri potest, cooperiendi causâ, & ne sursum recedant, duæ super linamentum decussatim applicantur teniæ, quæ emplastro

3

glutinoso illitæ, cuti tenaciter adhærent, cruciatisque spleniis continentur. Ap'â demum obvolvitur fasciâ membrum in loco idoneo reponendum. Solvitur intermâ torcular: at ne superveniat hæmorrhagia, laxeturque tasciatio, adaçâ ministri manu, totus per aliquot horas fulcitur apparatus. Hæc de Brachio similiter èssa sint. Verum amputatione sic celebratâ, diætâ & venæ-sectionibus ritè adhibitis, vulnus nisi intra duos, tres quatuorvè mentes sanari non solet, & præterquam quod diutius protrahitur curatio, cutis & musculi elatere suo fursùm retrahi perpetuò nitescentes, mutilatum membrum, osse prominente, denudatum terè relinquant, multis obnoxium incommodis. Aliam igitur decurtandorum Artuum methodum inquirere satage. Nullam autem invenies aptiorem eâ quâ cutis & carnis segmenta, rescato trunco, aptanda supersint.

## I V.

**E**X dicendis tibi manifestò patebit in Artubus refecandis carnis segmina reservare fariùs esse. Sed ut sis votorum compos antequàm sulceperis opus, attento animo perpendere necessum habeas, utrùm huic ferendo pares sint ægri vires; num sphacelo totum afficiatur membrum, aut alio lethali morbo sit correptum; inutilis siquidem & irrita foret amputatio; num tandem absque membri jacturâ succederet sanatio. His itaque consideratè pensitatis, excisione statutâ, suo quibuscumque loco dispositis, præmissisque præmittendis generalibus auxiliis, si Femur v. g. secare necesse fuerit, sic ad opus te accinges. Sanguinis circuitu, torcularis ope, cohibito, adjuutores duo membrum firmè contineant. Tunc arrepto manu scalpello recto septem circiter pollices longo, fex lineas lato, dorso fursùm spectante, extrorsum collocatus, mucronem ejus ad os usque adiges, in anteriori Femoris parte ubi secandum est os, quatuor scilicet supra genu transversos digitos. Cum os pertigeris, scalpellum in ejus latus insilectendo, posticos quoque musculos & ipsam cutim transfiges, deorsumque secando, duces instrumentum per digiti transversum longitudinem; mox extrorsum obliquè incidendo, cono simile formabis segmen, eâ longitudine casum, quâ cum altero fingendo accuratè adaptari possit. Dein adaçò similiter scalpello, aliud ex alterâ ossis parte segmen secato. Ambobus segminibus fissi spleniî beneficio fursùm elatis, quod carnis relictum fuerit, ipsummet Periosteum scalpello incurvo circumcide; os exindè, ut suprà, ferrâ delecta. Fragmenta, si quæ supersint, *incisoria* Forcipe confestim deme, ne carnes pungant lædantque. Mox ligatis solito more vasis, deflexis infrâ posteriorem insecturam ligaturarum filis, ac vulnere egelidâ aquâ eluto, segmenta sine morâ solerter accommodabis inter se & truncum ut hæreant. Vulneri, secundum ejus longiitudinem, siccum impones plumaceolum, & latum extremo membri linamentum admovebis, operiendum ac continendum fissis spleniis, glutinoso emplastro illitis, quorum extrema cum superiori Femoris parte decussatim conglutinabis, suturæ ad instar siccæ, apparatusque, fasciatione idoneâ, & laneo vel coriaceo firmabis pileolo. Truncum tandem, admotâ ministri manu, per aliquod tempus premi curabis, ut intimius inhærescant carnes obturenturque vasa. Denique solvatur torcular. Eadem methodo fiat Cruris Amputatio, servatis in superiore corollario prædictis cautionibus. At deficientibus in anteriori parte musculis, tegumentis hic transversim sectis, ad utrumque latus segmina fieri juvat; haud præternitiâ interossi ligamenti accuratâ sectione. Quidam, unicum ponè Tibiam & fibulam casum segmen sufficere autumant; hos nec in Cruris, nec in Brachii decurtatione vituperandos censemus. Is omnibus ex arte adhibitis, solitâ & idoneâ curatione institutâ, diætâ & venæ sectionibus non omisis, lætus videbis, intra decimum octavum præter propter diem, integram vulneri supervenire sanationem.

## V.

**J**AM nunc dubius & anceps hærebis utrùm hæc decurtandorum Artuum ratio sit vulgari præponenda? Perpende quot indè sint ægris emerfura commoda. i°. Quidem multò citior est sanatio, imò, nullâ superveniente ossis exfoliatione; cum

4

ex vulgari methodo, ad tres quatuorve menses aut amplius curatio protrahatur, relictis plerumque ulceribus curatu difficillimis, quorum in sanguinem resluens pus, febrem lentam, diarrhoeam, marasimum, ipsamque mortem producere pote est. Adde quod collisum nonnumquam renovetur ulcus. 2<sup>o</sup>. Aptè reposita segmina sibi & ossi facili negotio cohærent, truncum obvolvunt, operiunt; sicque reservata caro mutilatæ parti pulvinaris loco est, & sine molestiâ, Crure amputato, artificialis Cruris ope, incedere, currere, genu flectere & extendere pro lubitu valet æger. Contrâ, aliâ rescindendi ratione secatum os neutiquam tegunt muscoli, quin, sæpè sæpius, extra carnes longè prominet, non parvum incommodum gressui daturum. At, inquires, ἀροτριάζμας per insitionem institui minime videtur quin gangrenæ, vel saltem periculosa suppurationi detur ansa; abscessu quippè carnes non ita sibi invicem & mutilato trunco cohære nec conglutinari possunt, nisi spatium quoddam relinquatur, excipiendis aptum stillantibus liquidis mox stagnaturis & brevi corruptelam suscepturis. Verum, si ad promptum illud & mirandum naturæ opus attendas in partibus sibi invicem agglutinandis, licet à se longè distitis, in restituendis v. g. leporinis labiis etiam maximè distantibus, in resarciendis decurtatis naribus, &c. omnis facilè vanescet metus, modò vulnerata recenter labra sanguine madentia & sana, ad invicem proximè jungantur ac idoneæ fasciationis beneficio, & comprimente famuli manu, probè conjuncta servantur. Urgebis an non obstaculo erunt excrescentiæ seu exostoles quæ in homine vegeto obliervantur aliquando è trunco emergere? Succus enim nutritius ex ossibus sectis perpetuò defluens, hæc producere potis est excrescentias quæ conservatam carnem pungendo, incedenti nocivæ admodum forent. Respondemus, accurato apparatu, apprimâ tenace, huic incommodo præcaveri. Solutis igitur prædictis difficultatibus, consideratis verò commodis ex propostâ methodo oriundis, nulla sequenti potior conclusio.

*Ergo in resecandis Artubus, carnis segmina reservare, satius.*

#### DOMINI DOCTORES DISPUTATURI.

- |  |   |  |
|--|---|--|
| M. Nicolaus JEANROY,<br>Chirurgiæ Latino Idionave<br>Professsor, Regii Medi-<br>corum Collegii Nancia-<br>norum Socius honorarius. | M. Cæsar COSTE, Censor<br>Regius.                         | M. Jacobus VERDELHAN<br>DES MOLES, Serenissi-<br>mi Principis Condai Con-<br>siliarius Medicus.  |
| M. Augustinus ROUX,<br>Regiæ Societatis Rei Agra-<br>riæ, necnon Regiæ Scien-<br>tiarum Academiæ Burdi-<br>galensis Socius.        | M. Petrus-Joannes-Cla-<br>udius MAUDUYT DE LA<br>VARENNE. | M. Carolus - Ludovicus<br>LIGER.   |
| M. Achilles-Guillelmus LE<br>BEGUE DE PRESLE,<br>Eques & Censor Regius.  | M. Stephan. D'HUAUME.                                     | M. Joannes-Stephanus<br>GUETTARD, Re-<br>giarum Academiarum Pa-<br>risiensis, Rupellensis,<br>Florentina & Stokolmien-<br>sis Socius, Censor Regius<br>& Historiæ naturalis Mu-<br>sei Serenissimi Ducis Au-<br>relianensis Cusos. |

Proponebat Parisiis THEOBALDUS NIZON, Sacro-Cæsareus apud Bitu-  
ricenses, Saluberrimæ Facultatis Medicinæ Parisiensis Baccalaureus.

A. R. S. H. 1772. A SEXTA AD MERIDIEM.

---

Typis QUILLAU, Saluberrimæ Facultatis Medicinæ Typographi. 1772.